



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-587-4/22**
Datum: **26.12.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «ZEDINA» d.o.o. Doboj Istok, za izdavanje vodne dozvole za aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u toku rada Farme za tov brojlera izgrađene u naselju Brijesnica Mala, općina Doboj Istok, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola, pravnom licu «ZEDINA» d.o.o. Doboj Istok, za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Farme za tov brojlera izgrađene na zemljištu označenom kao k.č. 1913/1 K.O. Brijesnica Mala, općina Doboj Istok.
2. Vodna dozvola se daje na osnovu pregleda dostavljene investiciono tehničke dokumentacije te utvrđenog činjeničnog stanja i pod sljedećim uslovima:
 - 2.1. Da se upotreba i korištenje predmetne farme za tov brojlera vrši u skladu sa urađenom investiciono-tehničkom dokumentacijom koja je služila kao podloga za davanje ove vodne dozvole.
 - 2.2. Objekte čija je svrha odvodnja i prikupljanje otpadnih voda (sabirna jama, slivnici i rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.3. Čišćenje i pražnjenje vodonepropusne sabirne jame mogu vršiti isključivo firme ovlaštene za tu vrstu djelatnosti, prema posebnom ugovoru.
 - 2.4. Da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.5. Vlasnik odnosno korisnik objekta je dužan da eventualno uginule brojlere zbrinjava na bezbjedan način do njihovog transporta ili predaje pravnom licu za odvoz i neškodljivo uništavanje u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla te o njihovom uništavanju. Da se uginuli brojleri sakupljaju u kontejner sa poklopcem i svakodnevno odvoze na mjesto odobreno od strane veterinarske službe, uz obavezno vođenje evidencije.
 - 2.6. Vlasnik odnosno korisnik objekata je obavezan da uredno vodi evidenciju o čišćenju i dezinfekciji objekata farme, održavanju i čišćenju kanalizacije unutar i van objekata, te odvozu animalnog otpada i đubriva.
 - 2.7. Ne dozvoljava se odlaganje na otvorenom prostoru farme i unošenje opasnog i neopasnog otpada koji nastaje kao nus produkt u procesu rada farme u vodotoke i obale rijeka.
 - 2.8. Da se nastali čvrsti opasni i neopasni otpad redovno prikuplja, privremeno propisno skladišti i redovno odvozi na krajnje zbrinjavanje od strane nadležne organizacije.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada

(«Službene novine Federacije BiH», broj 92/07, 46/09, 79/11, 88/12 i 03/16) Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godine od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Dana 27.10.2022. godine, pravno lice «ZEDINA» d.o.o. Doboj Istok podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u toku rada Farme za tov brojlera izgrađene u naselju Brijesnica Mala, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 032-0-Reg-21-000468 izdatog dana 02.04.2021. godine od strane Općinskog suda u Tuzli,
- Ovjerena kopija Uvjerenja o poreznoj registraciji izdatog dana 22.03.2016. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Uvjerenja o poreznoj registraciji, poslovna jedinica br.5 „Farma Zedina“ izdatog dana 31.07.2012. godine od strane Porezne uprave Federacije BiH – Kantonalni porezni ured Tuzla,
- Kopija Rješenja o upotrebi poslovnog objekta broj: 05-23-3-47/12 izdatog dana 07.05.2012. godine od strane Službe za prostorno uređenje, Općina Doboj Istok,
- Kopija Rješenja o vodnoj dozvoli broj: UP-I/25-3-40-634-4/17 izdatog dana 27.11.2017. godine od strane «Agencije za vodno područje rijeke Save» Sarajevo,
- Kopija rješenja o vodnoj dozvoli broj: 04/1-11-21-32072/22 izdatog dana 17.10.2022. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o okolinskoj dozvoli broj: 12/01-1-23-029705/16 izdatog dana 17.11.2016. godine od strane Ministarstva prostornog uređenje i zaštite okoliša Tuzlanskog kantona,
- Kopija zahtjeva za izdavanje okolinske dozvole od 25.06.2022.godine,

- Kopija Izvještaja o monitoringu kvaliteta i kvantiteta otpadnih voda Farme «ZEDINA» Brijesnica Mala broj: 1780/21, decembar 2022. godine, urađen od strane «Inspect-RGH» d.o.o. Sarajevo,
- Kopija računa broj: 10206/2022 o izvođenju radova na crpljenju septičke jame od 14.10.2022. godine sa radnim nalogom od 04.10.2022. godine dostavljeno od strane KP «PROGRES» a.d. Doboj,
- Kopija Potvrde broj: 12/2017 o priključku na mjesni vodovodni sistem «Luke» u Brijesnici Maloj izdate dana 25.04.2017. godine od strane operatera «Fluid metal» d.o.o. Doboj Istok,
- Kopija Potvrde broj: 01-01-109/17 o odvozu komunalnog otpada izdate dana 18.04.2017. godine od strane JKP «ČISTO» d.o.o. Doboj Istok,
- Kopija Ugovora o zbrinjavanju uginulih životinja, animalnog i sličnog otpada, broj: 01-10-228/22 zaključenog 31.05.2022. godine sa JKP «ČISTO» d.o.o. Doboj Istok,
- Glavni projekat hidroinstalacija sa vanjskim uređenjem – Farma za tov pilića, urađen od strane «KRIVAJA TMK» d.o.o. Zavidovići, šifra: IM 2006/11, juni 2011.godine (na uvid),
- Dokaz o uplaćenju upravnoj i administrativnoj taksi,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog lokaliteta u naselju Brijesnica Mala i tom prilikom sačinjen je zapisnik o uviđaju broj: UP-1/21-3-40-578-3/22 od 22.12.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni objekat farme za uzgoj brojlera je izgrađen u naselju Brijesnica Mala, općina Doboj Istok. Kapacitet farme je oko 40.000 brojlera/turnus. Za isti je od strane Agencije dana 27.11.2017. godine izdato Rješenje o vodnoj dozvoli broj: UP-I/25-3-40-634-4/72. Uslovi definisani vodnom dozvolom su u potpunosti ispoštovani.

Od strane Ministarstva poljoprivrede, šumarstva i vodoprivrede Tuzlanskog kantona za predmetni objekat Farme je izdato Rješenje o vodnoj dozvoli za korištenje vode i ispuštanje sanitarno-fekalnih voda broj: 04/1-13-21-32072/22 od 17.10.2022. godine.

Snabdijevanje vodom je obezbijeđeno sa mjesnog vodovodnog sistema «Luke» u Brijesnici Maloj kojim upravlja «Fluid metal» d.o.o. Doboj Istok.

Otpadne vode od pranja objekta nakon završenog turnusa se prikupljaju sistemom slivnika i kanalizacione mreže te zajedno sa sanitarno-fekalnim vodom iz toaleta za uposlene odvode do armirano-betonske sabirne/osočne jame bez preljeva koja se povremeno čisti od strane KP «Progres» a.d. Doboj (priložen račun o čišćenju sa radnim nalogom od 04.10.2022. god).

U neposrednoj blizini objekta Farme, za privremeno odlaganje đubriva nakon završenog turnusa, izgrađen je armirano-betonski plato sa kojeg se prikupljeno đubrivo, odvozi od strane firme «AgroLife» d.o.o. Gradačac koja se bavi uzgojem šampinjona.

Za prikupljanje i tretman oborinskih voda sa uređenog, asfaltiranog platoa oko objekta farme izveden je zaseban kanalizacioni sistem sa slivnim rešetkama i tipskim separatorom ulja i masti i prelivom u rijeku Spreču.

Na osnovu očitovanja Službe za prikupljanje prihoda od vodnih naknada, konstatovano je da je podnosilac zahtjeva «ZEDINA» d.o.o. Doboj Istok redovno izmiruje svoje obaveze po osnovu posebnih vodnih naknada.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «ZEDINA» d.o.o. Doboj Istok ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet vode ili ometati poboljšanje njihovog postojećeg kvaliteta u toku rada Farme za tov brojlera izgrađene u naselju Brijesnica Mala, općina Doboj Istok, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-587-2/22 od 08.11.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.



Dostaviti:

- «ZEDINA» d.o.o. Doboj Istok
Brijesnica Mala bb, 74206 Doboj Istok
- AVP Sava, ISV-vodna knjiga
- sektor 50
- ☉ sektor 40 – arhiva
- oglasna ploča – AVP Sava